

石醋醋罵座

洛陽城中崔處士花園麝起花妖至封姨十八太顛
狂石家醋醋新高髻醋醋能嬌百帶牢珊瑚枝上織
鮫綃明珠似月搵難落冰住黃魚白鰓膠封姨身重
不能斤翻杯濕却石家裙初來競唱迎姨曲轉眼翻
爲罵座人朱唇粉暈山眉遠愁來皺斷春蠶繭石娘
嬌小不辭觴夜深潮淺腮紅軟金鈴不動仗崔徽明
歲馮他十八姨借問當時諸女兒可以此中數抹藍
燕脂噫吁嘻胡蝶灰黃蜂錐封姨之風豐隆雷問畫
圖有與無十八姨胡爲乎高陽酒徒燕市狗屠耳熱
之後秦箏嗚嗚明日重陽無錢可沽十八姨胡爲乎
十指握鈎五白呼盧夜叉子都同醉一壚十八姨胡
爲乎

寫竹與甥

人日前二日大風吹黃沙提筆呵冰墨生滑不覺石
上穿青虵

蟹

雖云似蟹不甚似若云非蟹却亦非無意教君費裝

徐文長詩集 卷之五 四
裘君自裝裘又付題世間美好人奪冒畧涉小醜推
向誰此幅難云都不醜知者賞之不容口塗時有神
蹲在手墨色騰烟逸從酒無腸公子渾欲走沙外漁
翁拗楊柳

某將軍

不見將軍十五年相逢今在淮河塢酒酣却說河防
苦直取強弩射潮去坐久嵐遮白日斜瓶中霧濕芍
藥花

王母詩

當年有母飯賢者斷髮坐薦秣其馬綠雲一去非不
憐但願兒子希其賢今朝王母芹宮住特遣狐兒看
春俎長來提筆解分書更喜逢人和詩句從此有錢
不買田半爲詩人具鷄黍阿母之賢有如此何妨再
活五十五老爲吾人治齏脯送下酒杯不可數

霞江篇

長江一片明秋水紅霞半出芙蓉裡道人無事坐磯
頭十頃青蒲迷赤鯉赤鯉青蒲宛可憐米家書畫在
魚船有時鴈鴛西飛去萬丈遙遙錦字箋

某都經畫上咏

長安騎馬未多時歸來卜築城南陂止知山起金壘
觀誰識橋園王帶谿王帶谿從天半來山山壓翠濃
眉裁叅軍欲作千年事萬卷蟲書樹裡開樹裡蟲書
葉葉搥作詩作字響秋飈沿溪水作琉璃綠洗研中
泥裊黑蛟黑蛟鎮日無斷痕叅軍墨亦弄朝昏惟應
放鶴呼猿客來扣溪邊月下門

琴子歌贈江山人

琴子千鈞名大黃弛弦罷蹶安其床寸牙如豆空不
嵌人心如此爲機忘機忘機在何所考只須水面看
鷗鳥君不見湖邊沙際一老人一絲不挂任天真鷗
且忘之况他物辟如相馬者不見其色通其神題詩
寄我如有情亦如萬竅吟秋聲風從蘋末天然起葉
自瀟瀟無意鳴世人聞予說笑予應破頰獨有忘機
翁相融如沃雪活竹青籬向水間相羊鷗鳥絕安排
朝朝莫莫如朋友爛盡茨菰去復來

寄柳都昌彬仲

彭蠡倒浸匡廬頭十丈芙蓉大鏡浮能使長官擲卵

後文長三集 卷之五 五
籍昨日下馬今日游南池小鳥籠初破欲向此中三日坐未必能高迴鴈峰不容作字當天過

寄鄺績溪仲玉乃錢氏門人

績溪縣亦神州赤聞君作簿無魚食誰能嚼肉過屠門瘦殺鸞栖一枝棘近來二哥自縣來覽君詩快羨君裁高情欲併崔松館別體尤工漢柏臺文成一線今將斷錢翁老死寒灰散十年半夜急傳燈西來衣鉢君應管莫言小釜烹鮮魚莫言牛刀割隻鷄真儒不揀啼兒抱主簿同安是阿誰去年別君天真館我

猶得翅君飛遠只今縛解翅不長無由一奮來溪畔

司馬

高功

舊主人君真父母匪邦隣墳頭松檟今何似

匣裡弓刀暗却塵由來壯士悲羅雀我亦因之感死
幾今來已是十餘春金錢銀錢不一縉我復何辭公
不喚會須上塚拊愁雲一哭裂却石麒麟下來與君
談苦辛

藍田篇

世間美玉惟荆山藍田亦在伯仲間總有秦城十五座不忍去手圭爲利寶物照人真不夜間之良賈知

徐文長三集 卷之五 五
高價一擲寧碎咸陽階莫自低頭楚庭下

杭陳子索贈陳副總

從來不識陳侯面但見人傳名姓蒲客中揚柳兩春
垂侯今只住薊門西薊門夜月干將吼胡奴膽落陳
侯手經年匹馬不聞嘶一曲嬌歌醉紅袖

王鷺亭鴈圖

本朝花鳥誰高格林良者仲呂紀伯矮人信耳輒觀
場只曉徐熙與崔白崔徐一紙價百金風韻稍讓呂
與林卽如此圖王鷺亭云是刻溪雪夜人鴈兒一掃

六十隻何隻不落青天雲沙黃蘆白喜相逐逸者
鳴勞者宿不須彭蠡泛扁舟彭蠡湖今在吾目

畫百花卷與史甥題曰澉老謔墨

世間無事無三昧老來戲謔塗花卉藤長刺澗臂幾
枯三合茅柴不成醉葫蘆依樣不勝拈能如造化絕
安排不求形似求生韻根撥皆吾五指裁胡爲乎區
區枝剪而葉裁君莫猜墨色淋漓雨撥開

又圖卉應史甥之索

陳家豆酒名天下朱家之酒亦其亞史甥親挈八升

來如椽大卷令吾畫小白連浮三十杯指尖浩氣響
成雷驚花螫草開愁晚何用三郎羯鼓催羯鼓催筆
兔瘦蟹螯百雙羊肉一肘陳家之酒更二斗吟伊吾
迸厥口爲儂更作獅子吼

盛懋畫千巖競秀卷

勝國畫師推盛懋何年圖此千巖秀筆尖點染不妨
嬌其中自寓老而瘦王郎捲來令我題我覽三日目
不移醉後伊吾吟杜詩較計王宰未可相雄雌王郎
急走忽持歸眼中猶見堆翠微山陰道上忙應接卽
此卷中誠不非茅堂寄居修竹裡除却看畫吟詩無
別事王郎却是我貧交何擲我三百青蚨爲酒費

九馬圍人圖二圍醉瀕墮

王元美爲太僕卿時刻穆王八駿圖形如

蜺

穆王八駿西馳去造父把轡爲之御此時八駿誰傳
形太倉老王太僕卿刻石嵌在卿之庭馬瘦尾尖了
無肉頸長筋綻抽蘭莖儼如蜺蜺綠壁騰謂之爲龍
特無鱗此圖之馬乃九匹却比八駿多其一骨聳肉
勻亦奇物老眼寧知畫者誰摩挲却是孟頫筆牧夫

徐文長三集 卷之五
九人二人醉醒者扶之醉不墜河南山東牧馬兒汗
酒胡葱醉似泥此時儻墮無扶持馬且失矣太僕笞

四張歌張六丈七十

開元之唐有張果乃云生長陶之唐師漢帝者張子
房子房之後有張倉張倉之齡百餘許老夫牙齒只
吃乳夜夜枕前羅十女子房辟穀祈不死先師黃石
公後約赤松子張果騎驢驢是紙明皇藥果杯酒裡
果齒焦黑如漆米起取如意敲落之新牙排玉光如
洗三郎驚倒謂玉環我欲別爾渡海尋三山玉環淚
落君之前梨花春雨不得乾繫彼三僊人是君之祖
君是孫今年己丑臘嘉平正君七十之生辰三祖消
息雖寥寥桃仁傳種還生桃况君作詩句多警又如
爾祖張三影三影詩翁八十餘此時特娶如花姝正
宜七十張公子夜夜香衾比目魚

完淳篇

人索味其別字

七孔雖外交誰令滑其裏一朝一鑿之七日渾沌死
大隗山上牧馬兒軒轅黃帝禰天師牧兒馮馬馬則
擾伯樂治馬馬生巧噫吁嘻海若太倉之米莊生濠

徐文長三集 卷之五 五
上之魚紀省木鷄之無敢應野老鷗鳥之忘其機葛
天無懷差可意廬敖汗漫長相思不周崩墮只下土
破天一角誰與補石頭五色爛如花女媧十笄高能
許君不見朱提着銅銀墮履心銀之鴈知何限蜘蛛
借雨詐驪且絡締將聲渾紡車巧則巧矣真則差鄭
君號完淳陳君請我說我謂淳之完辟彼雲中月自
雲自月自掃除高圍依舊金蟾蟾

閩工某摹伯肯昭君下嫁圖單于親迓之隨騎
士胡姬姬嬌而騎與單于並儻健可畏鞞衣

結束文馬華旌及姬之靴帽並妍絢可愛而
掌琵琶者尤勝胡决不辨此李蓋以意爲之
取悅人目馬三兄投賦賦之

毛奴索金嬙不予貌取西施爲媼母一朝遠嫁作闕
氏不及宮斜一杯土奴也貌媼故不真龍眠貌媼相
隔千餘春朝風莫雪一萬里粉腮那得嬌如此故知
兩貌師彼此妍媸雖各別並是以意而爲之人生觸
處有不幸東脫網罟西亦棄漢宮顏色不及天子知
胡廷憔悴未必單于終始相親近琵琶小妾百雙眉

是胡是漢畫花枝老羝夜醉葡萄酒遁入羶惟知不知

劉巢雲鴈

本朝花鳥誰第一左廣林良活欲逸巢雲花鳥學林良巢雲之手亦稱國他師丹綠入膠礬女兒刺繡針爲列老巢水墨不着色自有活鳥飛雲天陳賢購得老巢寫汀蘆八鴈掌畧楮其他並是墨爲之蘆疎鴈密栖於野我聞鴈宿有知更弋鴈之兒詒鴈鳴鴈怒乃不聽鴈兒乃得屠其城老巢畫此亦故本一飛一宿餘俱鳴一喑不鳴願而蹲主人將取飯莊生我今評此評不得巢如欲畫畫不成

朱次公讀書飛來山群彥過訪携飲塔頭方拈

六韻擬賦雨至跟跚而下漫聞次之三韻

一巾漉酒糟糊半酣牛醉馬馮人喚記得前身牧馬昔馬蹄長苦孫陽亂齊山解飛久不飛我爲靈鰻歌式微滄桑舊伴相思甚一別千年胡不歸

二

枕書小睡門開半客來就榻彈書喚携壺醉客相輪

尖餓鶴窺鋪攪雲亂僧厨沸酒百蚊飛雙棗沉茶紫
爾微酒罷書橫依舊睡夢爲蝴蝶別花歸

三

春風吹落花過半伯倫去矣馮誰喚百壺五屐上浮
圖眼花紅雪青天亂我一聞之颯欲飛鵬翼不輕風
力微猶勝惡雨搥詩脊競拗芭蕉蓋帽歸

菘臺醋

辣鼻作犀向月印便唧鼻第一尺長十印九低頭作
鷺才能一嚏喫作霧積年糟蠱爛人腸霎從毛孔走

大荒一戰笑受糟首降

周禮掌酒曰大酋

伯倫無婦堪詒左

用陰

陵事誰持五斗來賀我戰捷知真却病不興敗少渠

真不可西國葡萄那得來吾鄉豆醞逐家堆黃公握
曲千年返卓氏當壚百店開新渦放水荷花白舊棧
濺珠黃琥珀個個軒聞切利天人人夢到華胥國華
胥國食醪醎生無歡死無哭孟公紫菘賽黃獨綠臺
大梅抽肥玉一澆一段魯微生閉在春窰餉醉人一
嚼一噉醉輒醒醒來却苦多煩惱醒固不惡醉亦好

舊偶畫魚作此

元鎮作墨竹隨意將墨塗音搽馮誰呼盡裡或蘆或呼
麻我昔畫尺鱗人問此何魚我亦不能答張顛狂草
書邇來養魚者水晶雜玻璃瑣瑁及海犀紫貝聯車
渠數之可盈百池沼千萬餘邇者一魚而二尾三尾
四尾不知幾問魚此魚是何名鱒魴鱣鯉鯢與鯨笑
矣哉天地造化舊復新竹許蘆麻倪雲林

張旭觀公孫大娘舞劍器

大娘只知舞劍器安識舞中藏草字老顛瞥眼拾將
歸腕中便覺蹲三昧大娘舞猛懶亦飛秃尾錦蛇多
兩腓老顛蛇黑墨所爲兩蛇猝怒鬪不歸紅檀粉壁
爭神奇黑蛇比錦誰印低野鷄啄麥程與羣一姓兩
名無雄雌老顛蘸墨捲頭髮大娘幞頭舞亦脫留與
詩人譎題跋常熟翁來索判類常熟長官錯恠人

黃鵠歌

送馮君會試

何風不吹鳥何鳥不乘風斥晏蓬蒿止十尺樊中野
鶴愁長空黃鵠豈能別生翮天門萬里層雲隔翎長
風便會有時一鳴已破青霓色男兒抱策滿萬言殿
頭目炙研水乾今朝一得龍顏笑明日金鞍握馬鞭

徐文長三集 卷之五 五十七
越女年年採蓮渡宮中莫道蛾眉妬新粧舊抹各隨
時擬向深閨問鉛素

張海山已死其子持何所壽父者二軸來索題

其一畫楓樹月及白頭公鳥謎之曰風月白
頭其一畫古柏芙蓉

地有丹葉假謂風天有兔魄乃真月張君七十歲稍
稍頭漸白此幅誰人寫不施朱綠畧施赭張君郎君
既善繪藏之篋笥如大貝張君今已泉下寐郎君請
我書提壺令我醉拍手雉露歌滿座嘉賓同一淚

柏樹何青青芙蓉紅灼灼安得海山子邀月共呼酌
况值春燈滿市明長嘆海山不勝情

書茅氏畫

臺閣絲綸圖茅老將贈一頁人

小李將軍固名筆輕描細染工如織若圖臺閣與絲
綸界畫便須三十日茅君揮洒無一塵只如此幅自
清真蕭蕭數點江湖墨寫出巖廊輔世人

附畫風竹於筆送子廿題此

送君不可俗爲君寫風竹君聽竹稍聲是風還是哭
若個能描風竹哭古云畫虎難畫骨

漁圖

何人畫秋色蘆花繡如組罷釣睡孤舟月滿瀟湘浦
撒網打魚驚鴈飛釣竿閒挂冷魚磯醉餘正好割鮮
膾恠殺松鱸盡裏肥

壽王生

四十年前王國鳴紅帶編繩束髮青衆客對之俱含
情我亦把酒勸一觥欲引其荅驕不應今來轉騎年
六十頭髮雖黑髭鬚白諸朋作壽鶩雙蹠我却龍鐘
行不得送看一格四柿朱令我自喫省我沽惜少方

闌唱鷓鴣方闌若在亦醜吾

沈將軍詩 沈以鼓吹起行間

將軍者誰沈家郎學書學劍學漁陽呼臬喝雉疲夜
場月低日高曠竟忘編幹雖小膽則姜十年從軍官
叅將 叶 殺賊歸來坐五羊明珠芡米側槩量買得綠
珠可姓梁一妻五妾愁專房廣西藤酒世無雙海南
紅螺不假鑲直錢雖少貴天生 叶 鸚鵡不談立酒旁
文犀玳瑁細碎粧龍腦一縷飛中央左縣翡翠玉蟲
蟹右挂鏤金小鳳凰迴身未步身先鏘盼影入鬢斜

月光拽郎髭須郎吻張大卮小卮響喉隴叶池中豈
少雌鴛鴦安得老鷓專頡頏郎誰與歡思邊疆誰者
換馬邯鄲娼盧龍將軍急才良見郎謂何用不減且
試鎖鑰扼背吭分道密雲汝往當漢家猛士守四方
沈郎沈郎不尋常我思古人等鴈行吹簫者誰勃丞
相叶

送方阜民

荷花已老梅尚遲君今欲別臨路岐惟應作伴東林
菊滿城秋色黃鶯兒菊色黃鶯猶自嬌况逢酒軟舞
人腰舞人歌板不可得期君對飲楓林稍誰知一壁
園龍隔對飲楓林亦不得君但自挽金鷄鵝我亦棹
枷澆瓦盆而呼五白我歌行路難君歌破籠易我舞
麻鷓鴣君舞蒼辟鷓鴣日漸少路漸多君不肯留柰
君何

書壁間爲介亭五十壽

寒松萬樹瑟瑟響翻雨作濤白雲上青天有月夜未
闌此時正恰幽人往王家介老五十生海山畫壁真
有神門前流水偏澄帶屋裏青山自有春我方鼾眠

雷息響盡壁掃聲亦驚帳起來一寫手不停何用吳
箋三十丈

大醉爲道士林畫於臥龍山頂

萬曆七之年臘月十有六大雪兩日夜稍重壓垣竹
我睡不能枕思覽萬山玉况逢道士賢每至必炮肉
投壺不可得握果賭閣局萬竹當檻垂一杯邀月掬
呼酌三百觥不歸抱予宿繼出五丈紙要我洒松墨
葡萄與籜龍齒菖厥其股迨至五百觥天暝必須燭
山頭雪已消河流但餘綠辟如美人粧粉殘出新浴
斜陽萬點雅作字定高屋

綠罨絲鷄

有人持纜兩束黃云欲換藥瀾人腸山中老翁一槐
子聞之不語股栗豎人命豈止千黃金一七入口言
者暗却買綠罨付其手充爲野葛甘其心此夫持向
讎家飯朝食暮食腸不爛半年始覺毒無功一掬不
知翁所換人來問翁翁說與其人低頭淚交雨魑魅
陰崖白日光冰霜枝上春風縷春風縷白日光能令
殺人劍韜匣戢其鏃翁子邈然豈望報由來福善天

徐文長三集 卷之五
之道籠雛一隻小於拳鬪場翻作翻波叫翻波叫不足奇雙翰一日五采衣高冠雉尾聳一丈紫光紅燭青天輝五洩山頭飛瀑布帶長遙拂長練素一百年來真鳳凰此鷄一躍上天路還付郎君隱玄霧至今人流聲芳綠磬德采鷄祥

十月望十二月朔百舌群鳴連日臘朔之夜雷電徹曉大雨兩月鄉村人來說虎食人經秋不去

萬曆十八年十二月之朔百舌聲聲叫如昨如朋喚友互荅應乃是氣機使然諾百舌小鳥爾顛頭使之敢不聽雷電本大物警藏已久矣何爲十一月徹夜殷殷令人驚電入我窓兩三劃我疑是燈還未滅起看燈花已落油已乾始知是電耳非關燈之殘氣候變遷亦常事山林老翁聞料理十月十一月連月苦大水十二月來還未止猛虎食人如食豕百物價高寧倍屣我亦左聽右出耳信知十說九是詭不飲不啖拚已矣賓來賓去無將迎携榼提壺見好情謹談不把蒼毛塵偶語惟禁白玉京几筵屏帳無家火鞋

襪衣衫多補丁噫嘻吁百鳥之語誰能解百舌鳴冬
或報瑞年來世事恠反常常反恠安得公冶來爲鳥
譯出令人快我所解者提胡盧枝頭勸我隣家沽提
胡盧不知吾少青蚨

春野圖

北門之外多佳麗白水茫茫遶天際中有幽人春野
翁摘荷採芰紉衣袂春野讀書曾萬卷只今一字不
欲看只將元氣手中調不許紅塵眼中散昨者鑄鼎
鍊九還吾欲從之乞一丹青牛在田不肯語輕囊大

笠天將雨

喜張大移居南街

憶昔君住大路傍吾欲移家傍君里以君本是相知
人况乃此路直如矢每到君家傾酒卮送吾出戶黃
昏時月光照地烟澹月謂須騎馬當街馳此移固爲
張君住亦爲此街欲移去誰知零落已十年却住東
門近城處東門深巷不容車亦有長者過吾廬談經
說道日相對曳袍內履皆吾輩君隔五里相見希會
裏少君說何會昨見南街臨水樓晶晶壁粉描新油

却是張大之蒼頭報道主人除夜移宅此肩摩手摸
令奴修涓也聞之笑開口徃昔涓欲去去不能大欲
來來卽就何以賀賀張大除歲酒爲大守明年燈事
隔不久可知携大並大手門前流水水上橋可知與
大談不休行復坐坐復走大也雖善嬉大半治生事
涓也嬉亦善生計却不治世人於此有是非不知誰
非復誰是自識今來談道心還是當年騎馬事

劉雪湖梅花大幅

梅花自是花中魁畫梅花者今數誰雪湖劉子故不

俗未盡梅花先寫竹花梅篠竹兩相於直幹橫梢錢
不如最好片雲遮一抹尤宜大雪踏孤驢我與劉君
相見初較量長短捋髭須圈花少讓元章筆發幹元
章不若吾捉筆呼煤將發幹閉門自不令人看須臾
歇筆乃開門一掃槎枒三丈緝我客金陵訪畫梅畫
梅莫妙盛行之劉君放逸不可羈一劉一盛無雄雌
我今白日題梅畫恍惚如夢羅浮夜覺來香風攪衣
帶花下美人是何代

徽宗畫鷹

萬里鵬雛一片雪百年兔狡三深窟窟深那許入蒼
鷹卽入難防蚌持鷓此鷹氣猛翅刀稜御筆親描若
有神總令三窟深如許此鷹枝計賢孫武寄言脫兔
莫莽鹵鷹能賺汝以處女

洞巖入鼈口有石枰石橋及石池諸景

洞梁高負泥沙惡一軀巧骨褻痴鞞昨聞已是三十
年今夕張燈始捫摸初疑螺尾不可梯再進再折無
盡期魚腦別波枯未已蜃脚逢沙澁懶移人言此語
得大槩却須請君說細微桃根倒殭蟲嚙久蜜脾仄

掛蜂歸稀二洞三洞止一隙解衣臥洞身投鱉

三洞之門

曰鱉蒼枰爛斧或有人石橋浸影終無月當時蔣侯

身不死一去親賚五日米遥聞櫓響送江船頭上恐

是錢塘水

僧云洞巖寺及田地俱鄉人蔣二舍其探洞事如此今鹽橋蔣相公是也

避秦

豈直武陵隈何事桃花不出來星河作影當歸路疑
是淳于夢大槐

徐文長三集卷之六

明會稽 徐渭 文長 著

陶望齡 周望 校

謝伯美 開美

商濬 景哲

陳汝元 起侯 同校

五言律詩

銅雀妓

雷泉鎖玉燕 閔燭繞金蛾 君銷陵栢土 妾斷偃松蘿

徐文長三集卷之六

明會稽 徐渭 文長 著

陶望齡 周望 校

謝伯美 開美

商濬 景哲

陳汝元 起侯 同校

五言律詩

銅雀妓

雷泉鎖玉燕 閨燭繞金蛾 君銷陵栢土 妾斷偃松蘿

薦夢無雲雨留香別綺羅願爲銅雀瓦生死托漳河

出塞

漢將去堂堂邊塵靖不揚雪沉荒漠暗沙攬塞風黃
虜帳朝依水胡酋夜進觴舞兒迴袖窄無奈紫貂香

琉球刀二首

時客常山

客將刀出市云是大琉球海泛防龍合天陰聽鬼愁
揮空霜欲落脫匣水堪抽萬里烽烟地隨身去莫留

二

單刀新試舞雙劍舊能輪雨過腥聞血風旋雪裹身
對鏢歸思動挂壁削緱塵醉後時橫看終當贈與人

西北三首

西北誰家婦雄才似木蘭一朝馳大道幾日隘長安
紅矢裙藏鎗塵生襪打鞍當壚無不可轉戰諒非難

二

金鞍七寶歌玉手控青絲人馬才相得風雲氣本奇
勢輕香易墮樣巧影難爲馳罷雄心在何曾歛翠眉

三

尺錦卽成裝當眉縮結方須更撒身手馳驟蹴風霜

簷影千門亂街心一帶長忽逢遊冶子繫馬問家鄉

桃花堤上看美人走馬

和青霞君

一鏡圍湖水千峰遠梵宮大娘迴劍器小伎落驚鴻
影深穿柳日蹄響帶花風望斷梨腮粉紅塵一道中

張女文携酌紫陽宮遇方士立贈

爲客不知久春風鶯語殘偶來坐白石忽復遇黃冠
道觀僊人去深松秀色寒持杯日云暮猶自上高壇

春日過宋諸陵三首

世系未須憐生時已播遷威儀非舊典世代是何年

過客悲山鳥王孫種墓田回看隴頭樹似接汴京烟

二

荒丘宛相望纍纍總念辛遙憶昌陵土于今幾劫塵
兩河寒食雨六代帝王身業盡魂無主空餘松檜春

三

落日愁山鬼寒泉鎖殯宮魂猶驚鐵騎人自哭遺弓
白骨夜半語諸臣地下逢如聞穆陵道當日悔和戎

孟后怨二首

豈是蒼梧野言隨狩輦來不因埋越土便自忘漳臺

徐文長三集 卷之六 三
寶髻何年發羅衣久自灰如何六龍馭不見一人回

二

福薄姑言信君難國事非官家儼平昔賤妾獨何依
汴水千秋逝山花幾度稀還憐先帝寵夜夜月中歸

送鳴教赴嘉興館

念子將飛棹而吾亦閉門開筵出海俎蒲酌坐芳園
客寓無三月論詩上萬言同心不在此秋夜起煩冤
送女彝赴武會試

舊是論文友今爲選武行良家六郡子將族一書生
虞每當秋入弓應此際鳴馬蹄好一賭青幕待參兵

竹月篇爲易道士賦

脩竹隱丹崖蕭蕭映月微林稠光不礙葉動白俱飛
製鼎看圓魄裁蕭度羽衣翻經清夜未猶帶露華歸

寄尚賓因借石磬

南明棲息久凡著幾何書夜峽月生石朝窻雲入疏
特懸孤磬在時扣萬山虛自笑耽清物持來一借予

宛轉詞

宛轉一臂斷流落二喬輕覆水已無及通家如有情

歸來粧粉暗啼罷淚痕清莫道紅裙法官家盛甲兵
湖嚴氏有二女其翁以長者許渭繼室渭自愆
盟頃聞爲海寇斷其翁臂二女俱被執旋復
放還便已作宛轉詞憐之後知其長女被執
時即自奮墮橋死幼女放還亦死因復賦此
宛轉詞中覆水句正悔愆盟也

訝道自愆盟天成烈女名生前既無分死後空餘情
粉化應成碧神寒儼石生試看橋上月幾夜下波明
順昌道中新晴

解纜投山屋束鞍聞曙鷄風雲留宿雨花草踏晴泥
曉峽喧谿路春沙泛馬蹄遙知武夷曲只在亂峰西
大王峰半壁聞人語見炊烟衆以爲僊予疑是
道流懸栖張垓尸解之洞

絕壁無人到半天聞語音丹爐佳空翠烟火出春陰
僊貌侵殘鱗猿啼隔莫林誰能知所以閒佇白雲岑
謁延平先生祠 先生少時往往醉馳健馬

祠下風來好單衣行莫春杏花鏗爾瑟栢樹洒然身
默坐澄千慮傳燈與一人自慚何所似馳馬醉蹄頻

十六夜宿葉坊玩月

昨照橋中閣今輝驛口沙清光迷魍魎冷暈嘔瑕
與水浮諸海將山碧一涯春風正司令桂樹暫停花

杜鵑花

煙雨艷陽天山花發杜鵑魂愁數葉暗血漬一叢鮮
正色爭炎日重臺香絳箋春風幾開落遺恨自年年

古鏡

白日淘杯土青天射兩丸且須防薄蝕詎止鑿衣冠
神物含光易深山識寶難不知丘壑裏還掩幾水團

自閩歸夜發桐廬直溯大江遙望海門乍偃新

月水天一色興致曠然

落日滄江莫悠然忘所之海門風色暗潮候月痕歛
一壑成吳越連天浸島夷何由挂長席萬里遍瀛裨

送王君赴選

白溪

太學幾垂紳臨雍識輦塵今朝儲選客何代上書人
萬戶封君業千金遠道身殷勤自愛惜行看鳳池春

沈府公尊君中舍挽章二首

中舍君父官御史

今子談先德徒聞不及逢佩毫君賜管騎馬父畱驄

徐文長三集 卷之六
官舍迎魂氣生芻吊遠空今朝徐孺子洒淚哭林宗

二

早歲賦長楊文成壁水光執經群胄子秉筆侍君

王庭委燕山訓衣埋漢署香神遊向何處鵠立殿中

央

陳女度尼

青春正及笄削髮度爲尼別母留粧粉叅師歇畫眉
幻真臨鏡現生滅帶花知未必今來悟前身受記誰

金客

君是鄰兒非黃須短褐衣單身亡命去虜首賣錢歸
業曠家人棄門寒結客稀自知終有用窮巷且藏機

送同門蔡克禮歸晉江

幾度共朝昏承師禮數溫久居諳越語欲別戀同門
道遠歸逢臘交貧贈以言賴君兄弟在還得寄寒暄

贈相士

節鉞下明州東隨一劍留帷中占勝色市上立清秋
碧眼胡僧避青囊道侶求相逢多慕客曾見李藩不
長洲孔君以儒生取官爲衛使橫金侍軍幕而

志不得信小東夷欲立名西北予歌短篇廣之

君本一儒冠橫金已不寒
罷書投筆易抱策曳裾難
西域去萬里東夷眇一丸
長歌送出塞終是虎頭班
與姚山人劉衛僉沈嘉則吳道官三茅觀眺雪
高會雜黃冠琳宮夜坐闌
梅芳成蕊易雪謝作花難
簷月沉杯暖江客入座寒
莫雅驚炬火飛去破煙嵐

贈陳君

陳奉勅命往日本羈致王直者直非陸橫比取海島之雄畧相似耳

長席挂帆輕鯨波萬里程
片言降粵尉尺組繫田橫
日出親曾見風便始約行
歸來不邀賞世上自知名
分賦得吳山送俞君還贛

吳山碧石頭雄抱浙江流
大可興雲雨微還適覽遊
常登應結戀乍別不能留
明朝翠色遠知爾在行舟
送梁君還崑山

送子迈吳城憐予亦遠行
錦囊俱佩筆青嶂獨題名
被檄來何莫治裝去不停
翻嫌養鸚鵡持賦似禰衡
芸閣校書篇

薄霧靄香筒青緗走蠹蟲
一梯陟劉何萬帙映楊雄

鳥下窺書古花飛綴宇紅他年在天祿羞與俗人同
飲雲居松下眺城南

夕照不曾殘城頭月正團霞光翻鳥墮江色上松寒
市客屠俱集高空醉屢看何妨高漸離抱却筑來彈
送內兄潘伯海謁選

之人千里行言宴款郊城率爾衣裳處紛予帷幙情
見兄兼念妹送舅祇携甥明歲承恩日龍池萬柳青
聚法師將往天台止其徒王公庵中余爲留信

宿王芝

欲向天台去先爲剡水尋秋行萬山出夜宿一庵深

燕語調花氣猿蹄帶講心年年石梁興送爾益沉吟

洗心亭

爲龍溪老師賦池亭望新建府碧霞池

精舍俯澄淵孤亭一鏡懸覓心無處所將洗落何邊
花護焚香几門維渡岬船碧霞池畔鳥長得泛前川

省試周大夫贈篇罷歸賦此

贈篇有天池欲化龍句 蘇匡

十謁九不薦那能長作儒江光凌棄壁關色黯歸繻
薇蕨求新主羹湯問小姑風雷亦何限終是惱凡魚

豐吏部公邀泛西湖觀荷明日寄作今與嘉則

叙父追和

吏部元耽飲良辰尊俎携分明在湖上記得似耶溪
別浦紅裙槩垂楊白馬堤茫茫荷葉路共水入天西

賦得戰袍紅

時少保公得瑣暗刺製袍命賦

海罽染帝猩征袍製始成春籠香共疊夜帳火俱明
自與鶉旗映還宜蟒繡紫戰歸新月上脫向侍兒擎

嚴先生祠

碧水映何深高蹤那可尋不知天子貴自是故人心
山雷銷春雪江風洒暮林如聞流水引誰識伯牙琴

白鷗少保公所遺

片雪簇寒衣玄絲繡一圍都緣惜文采長得侍光輝
提賜朱籠窄羈栖碧漢遙短簷側目處天際看鴻飛

初入京瞻 宮闕

域中夷夏極天上 帝王家 西內宸居逼南都鼎
地餘烏啼御溝柳象散閣門花昨到貧方朔封書載

幾車

明日至昭化寺玻璃泉流觴

片水秋蕪外孤亭夕照中流杯隨落葉聯袂障寒風

後文長三集 卷之六
意何酒中適僧多谷口逢坐看林色暝今夜宿山中

來青亭

畫棟將雲遶脩簷傍漢開亭非邀翠入山自送青來
遠色虛難寫遐觀縱未迴共言春景麗不見使人猜

元旦與肖甫較射

各分五韻

烟光海日曛青帝早司東候轉弓猶勁標旣的畧紅
耦鸞雙月吐長臂一猿通本是無爭者心知此際雄

李長沙公哀詞

彭山老師

槐樹宛低迴猶疑講席開死因雙宿去生爲六經來
遶瑟飛春水傳燈暗夜臺三年更築室未了獨居懷

二

絕學千年啓斯文一綫傳漢廷蒲壁日汲冢竹書年
見獵能無喜爲漁却忘筌經生休錯認鄭氏老蟲箋

沈刑科君出使湖藩還闕

曾峰

一作湖藩使長驅夢澤雲朝廷應有問道路豈無聞
旌蓋迴星彩停舟草奏文遙知前席處持此荅 明

君

送張大夫之滇

昔提學湖廣

鏘鏘劍珮鳴萬里赴王程楚澤魚龍候沅洲杜若生
碧鷄來入賦白馬去提兵想見南夷定相如擁漢旌

懷陳將軍同甫

時鎮滇漢鑿昆池於長安而將軍親見於滇成一笑矣

飛將遠提戎翩翩氣自雄推牛千嶂外騎象百蠻中
銅柱華封盡昆池漢鑿空鴈飛真不到何處寄秋風

鈕大夫園林二首

按察公石潭

上葉華簪接名園樂事賒鎮懸高士榻能賦大夫家
水去縈三構城來遶百花西林投樹鳥帶得晚天霞

二

萬樹梅花國垂簾試一凭高樓烟欲暮遠岫雪將晴
帆舫時時渡溪橋處處橫若耶無限景都有此中情

送高叟入燕

橫山

少小幽燕客重遊白髮多人欽舊然諾客和古悲歌
紅葉淮流舫黃塵沛縣驂向來沽酒處留得幾嬌娥

背樹

背樹零宵露羈魂斷曉鋪正當愁畫地誰遣放啼鳥
拭淚身仍繫酬恩計轉迂應勞垂老魄結草向冥途

襟湖篇

善畫住鏡中

湖水碧沉沉如衣遶作襟迴波平釣檻流響雜彈琴
染筆和烟潤茨亭照影深隔堤采蓮女誤作輞川尋
賦得看劍引杯長

高會莫匆匆魚腸把似公睥睨寸心在慷慨百壺空
客散平原夜波寒易水風秦讎不能報淚落酒杯紅
賦得暗塵隨馬去

春夕麗春燈芳塵似有情難隨羅襪緩却逐馬蹄輕
高縷迷鞍淺低 銚平酒家莫留繫一夜遍都城
賦得芹芽

青春曲水湄芹茁小芽滋在野未堪摘獻君知幾時
暖風來燕子寒食伴棠梨一夜休教老留尖煮鱸絲
賦得酒卮中有好化枝

雖云辭樹底猶得映杯中帶葉蟻分綠臨粧臉並紅
傳時香覺蓮履處影方空若使玻璃斗樓臺浸幾重

鎮江

落日桂城角孤蓬憇水窻草長交浦斷潮大入河降
笋蕨辭鄉飯櫻桃過鎮江吳船夫婦唱十曲九成雙

王山人丹房 漁鼓或作愚鼓

山房在何所宛在水中央丹竈泥初濕紅顏藥正黃
菱花歸舫亂荷葉過人長一自彈漁鼓陶陶醉幾場
仲春李子遂季子牙史叔考坐雨禹跡寺景賢
祠中醉餘賦詩並用街字子遂來自建陽一

別數載

病久不到此荒祠草上增陰晴連日異閩越幾年懷
夜梵潮三丈春酥雨一街梨花無月處有客醉金釵
法相寺看活石

蓮花不在水分葉簇青山徑折雖能入峯迷不可還
取蒲量石長問竹到溪灣莫恠淹斜日明朝恐未閒

侶琴篇爲趙子賦

豈無蘭蕙好獨結嶧陽桐養鶴多因爾遊魚亦爲儂
風雷縣一壁山水伴千重一作梅花弄都令雪滿空

寶刀詩

雙鈕黑銀鏤來從大土酋緜絨結蠻女鐵色照并州
不惜金千鎰能縣水一溝床頭好珍重薰許茂先收

答謝上谷諸公

一客宣城鎮真多地主良停車松樹下投轄井中央

後文長三集 卷之六
紅燭籌枚滿蒼毛塵話長別來知幾日柳色蒲紅墻
十五夕酌于幕中不赴雷總公之專邀

高會不能酬非關避賞秋野人藿食慣海鳥太牢愁
天鏡榆梢挂管刁柳外流嫦娥不可見凭斷庾公樓
書筵贈顧鴻臚

廿載神交後尺書長跪辰涸魚幸不死閨月亦徒春
碧柳深高館紅雲近侍臣相過不能數叔夜懶方真

贈武舉陳子

燕人

子爲燕北雋曾護海南軍鵠印終須得猿弓颯爾分

特呼五斗醕相對一爐薰更說荆卿事魚腸激莫雲

京邸贈沈刑部

叔成自安鄉召入善畫梅在署克日仲紙洞庭過浸安鄉

人多驄馬客君愜白雲司棘署了公事梅花作雪枝
帶寬知懶在馬重覺塵隨頗憶洞庭否烟波十二時
王口北見遺貂帽因往二首

刺伯貂冠而玳蟬

解帽遺寒士呼鷹向野田一翎穿猛虎二月看湯泉
燕頷今如此貂冠事必然深毛莫輕易玳瑁護香蟬

二

一圍消雪遠兩翅辟塵除朔北凍殺馬遼東買斷牙

錦筵津頰玉深戶擁腮花一罩山人憤徒遮髮華

納妾詩

角枕覆衾長新香異舊香昔年曾射雉此日復求凰
杏靨開春鏡鴉雲換晚粧夫君莫早起初日未高梁
李長公祖道北樓得山字

北樓高入漢鐵鳳插雲間漠外鷗盤箭管中柳暗山
今朝送客去何日破胡遠看取搯金印長歌入玉關

駿霞篇爲天台黃子賦

燕市千金駿天台一片霞持將兩神物較許大名家

每過愁驢直言歸必日斜御河生隔斷楊柳暗宮鴉

偶來坐文杏館中賦

在郡山之東頂

杏館有高臺無景不堪裁雨氣浮山去風聲拔海來
蒼林萬戶瓦紅樹一春杯欲借龍山主時來坐碧苔

送薛鴻臚左官袁州

佐郡袁州去江行萬里西興牽春水鴈心斷早朝鷄
蠻境風烟近巫鄉習俗迷正須煩料理滕閣未遑躋

梨

潘家大谷梨見潘岳賦及柳子厚詩近河間以黑籠馱其膏入京梨有一種名鴈過消紅

而瑩班班似犀下味物十七首俱用正韻

潘家大谷梨今遍九河堤接樹水千鞠單顆水一提
馬馱香黑甕鴈過脆紅犀未怕相如渴王孫儘翠眉

杏

蜜甘人享蜂徒自苦杏甘則蠹
杏徒自苦不若苦李之自全也

杏有海東紅珍高百品中色來先壓市子大欲沉籠
釀苦蜂何為人甘蠹亦同道傍繁李樹好去問王戎

李

閩有夫人李洛下
有嘉慶縣李並佳

閩種夫人異燕枝嘉慶向蹊堪爲李廣核可付王戎
碎玉當唇綠飛錫遶臂紅歸來憶滋味能得幾時醲

頻婆

一名平波

石蜜偷將結他鷄伏不成千林黃鷄卵一市楚江萍
首奪秋厨腊鮮粳夏益米上元燈火節一顆百錢青

胡桃

燕近出鷄頭子
頗佳而價亦賤

羗果薦米甌芳鮮占客樓自應懷綠袖何必定青州
嫩玉寧非乳新苞一不油秋風乾落近騰貴在鷄頭

白櫻桃

櫻桃琥珀珠一樹忽碾磔入袖迷吳苧如珩信楚書
朱唇嘗處訝翠葉凍邊舒欲問丹陽鳥曾銜此類無

土豆

種似吳中落花生及香
芋亦似芋而此更鬆甘

榛實軟不及菰根肯定雌吳沙花落子蜀國葉蹲鴟
配茗人猶未隨羞筋似知嬌顰非不賞憔悴浣紗時

薯蕷 即山藥

扶中識舊方爽叻得新嘗臍廩衰年壞山薯此地良
芋魁徒軟美松粉藉餒餒楚些那遺此清酥點蔗霜

鐵腳

吳下綿披細燕中鐵跣俄爲群少灸祇用一竿黏
暗雪辭饑啄紅椒餽醉再窺螳黃雀事公子慎金丸

黃鼠 膏厚而瑩徹

幸不爲殘齒何由冒劣名庖厨窮口腹天地窘生成
淺草遮人拙深膏傍燭明斷齧吾自分食肉任干城

半癡

小鳥形半于雉而脆美上谷人與黃鼠共稱然癡而易襲遂以名

厄與痴相半禽將鼠共縣味雖供客好名却使人憐
所下惟雙筋何妨少一拳如聞三嗅叟咲殺雉羨筵

酒三品

口藥者襄陵羊羔酒並不遠每樽可十小盞須銀二錢有奇

小甕五雙盞千蛟五瓮香無錢長買醉有客偶携將
醞藉宜高價淋漓瀉想故鄉狹斜壚不少今夜是誰當

河豚

味大約似鮎越漁取鮎多于雪候從水柳窠中得之金陵煮豚炷必露多傍簷際○

白名西施
乳却佳

白下酒家簷河豚荻笋尖寒江晴後雪爛柳窾中鮎
萬事隨評品諸鱗屬并兼惟應西子乳臣妾百無鹽

荔支

出新會者名進奉絕佳有以小瓮載販陽
江者到即競報其土產稍劣或邀食多以
蔗隨放猿取高
荔蘇公事也

帆檣報荔支猶憶海南時一邑明勾漏千壘枕蜜脾
消中隨蔗往高樹放猿之近日肝腸別依稀餓采薇

二

當醉更須醉當食便買食幾年千里外一顆百金難

飛騎休輕刺拑猩且奪看老甜今已矣世味飽醎酸

熊

此李勣射獵而托饋大兒故三四用蜀陳家
事五六則憶曩食熊獵掌特甘醲而此顧亞
必豕熊也七八用茂先事意
謂儻恣口腹何所不至耶

李廣射熊歸生肩付大兒都無一寸白儻有幾條筍

腊掌吾曾飲鮮躡勝畧差窮饗亦何劇急鮓白魚遲

黃羊

味絕勝善走俺答偶馳饋宣鎮故五六云
然三四晏子語言也七八戲言耳雖貴胡
亦未聞
食晚者

紫塞黃羊美超騰不易供蹄雖千里外命寄一厨中

誰致西河俎言穿老上弓賓筵三動指早晚到駝峯

哀周鄭州沛二首

莫以拘攣輩交攻放達偏窮如知老後樂似欠年前
匣藻鮫俱泣園花石共遷傷心能幾輩教我不潸然

二

雪涕尋前詛敲門憶昨晨梟盧呼未歇蝦蟇醉仍頻
日者過荒館霜顛破角巾飄零霎如此昨日故將軍

雨

一雨連秋夏無朝不冥迢曉添四壁篆夜助百蟲悽
蒙幕遮城漏蒸潮汗礎泥直愁衡岱頂亦障海鳥飛

交霞三首

第三首魚勞則尾
赤詩云魴魚賴尾

明霞剪脚齊茜水入霄泥鴈鷺千行外巖巒一角西
石家錦步帳海國紫玻瓈安取揮戈術相留莫遣飛

二

明霞爛且都雨歇霽霄鋪萬國樓臺莫孤村烟火晡
波鱗銷琥珀海色上珊瑚一抹須彌翠胭脂月鏡孤

三

元氣渺太素丹鉛何所粧白魚勞尾變紅石補天長
剝付烟嵐彩全併沆瀣光俄飛一片紫騎鳳是蕭娘

送某子北上

送子有所思秋風來何翩拜翁挂貂處談戎寧燈前
棗紅芻馬店霜白聽鷄天一隊長鞭裡輕寒早着綿
某君中貢選送之

物有幽奇者飛騰各擅方巨魚須北化細芷不南香
在獄持何贈穿泥以劍將回思成一笑君自有魚腸
人言鳳尾蕉花於某縣庭命作

鳳尾本蕉材紅花綠葉認縣庭今一見蠻地不曾開
孔雀羞金翠蕭娘坐粉腮潁川黃霸在辛苦送祥來

壽葛貞母

終歲不成粧釵寒古鳳凰詩堪將柏賦年亦與松長
列女誰同傳穉人果未下當筵思舉案誤迺百年觴

送某子寧親都昌

瀑布五十丈由來天下無暫須辭定省且可到匡廬
馬上借諸季編頭挂一壺高題白雲處莫過醉麻姑

乙亥元日雪酌梅花館三首

有屈二日神葉堂
日蒨蒨深處并梅

花館各
賦一首

夜雪積梅條臨窓賞若邀枝鬚將影入酒氣上花飄

白髮宜儂映春聲任鳥調衰年無禮數王好枕丘糟
秋葉已凋踈春林積雪初溪藤不復買裙練免偷書
桂碧來鳴鳥堆紅補破廬待予新買屋自種兩三株
花葉看雖少藤稍遶更賒蒼須擢水雪白玉碾龍蛇
碧氣將檐薄濃陰奪竹斜去年深夏熟特地爲予遮

賦得浣紗石上窺明月

西施遇王軒詩云
紅雲飛過大江東

中秋皓魄垂石老冷西施紅雲大江去明月此中窺
團來思寶鏡缺後想蛾眉易墮銀河末天風且莫吹

初夏送某客入廣

廣中賈客寓所隔岸則倡居
也率以一錢擲艇子輒渡

海南多寶地客也傍春行涉嶺梅丸綻當屢荔子明
百香番賈舶雙翠美人纓會向青樓去時呼艇子乘

曉發句容

宵來醉眠處忽爲遠林遮三尺短綬爛一程長耳賒
村村落斜月樹樹抹輕霞只尺丹陽近江魚入饌嘉

賦得風入四蹄輕四首

雷總戎嘗騎千里馬風
擊其衣僅存襟背又云

趙總戎亦然
故三章云

駿馬四蹄風形容有杜公一塵不動外千里颯然中
白草連天靡蒼鷹踢翅從檀溪不須躍隨意過從容

二
愛妾換初調將軍葦紫驕颼颼只聞響陣陣不禁秋
練影難長曳房星易一流路傍看不細多是失回頭

三

借將從虎物并去翼龍腓戍削纔辭櫪崩轟已破圍
寒呼隨踈起黑旋褰鞍飛曾聽將軍說雙雙碎鐵衣

四

赤驥本龍精行時不是行看遲八尺影過急一團聲
帶烙成駢死嘶鹽了此生孫陽何處是淚盡太行程

雨舟載鶴詩

買鶴載歸去况逢風雨天客裝兼有此江影兩瀟然
濕重摠孤雪波長立暮烟園池寧有此漠漠迴堪憐
元夕之辰偕友人集九里之天瓦寒泉二庵各
賦一篇今予爲序

去郭九里曰九里者爐峰舒臂其西高則亂
石偃拔駭獸穿林下則迴泉紆縈驚虺入草
兩精舍各據所勝止息緇黃因石以覆則爲
天瓦依流而茨乃題寒泉鸞鶴之所必栖猿

麋舍此莫集也其君南來之暇稍厭賓筵及
予元夕之候載觴其中上下高流狎弄魚鳥
落帆到舍則月白燈紅矣似別武陵悔返城
市景遷情改寧免生滅之緣各有賦篇今予

作序

尋常難淡泊况復值茲辰山水留吾輩燈花媚別人
言歸城市去似別武陵春一路梅花水今年弄月新
擬壽長春祠何老

雲母何姑粉增城幾葉春馮心行好事作屋住僊人
鍛柳堆山鏡眠松弄水銀面上桃花色流年始七旬

京中送友人南歸

不道歸真急翻嫌握手遲綠蠅秋漸少黃鳥日相思
以我尚未去問君來幾時荅言春盡後北鴈與同飛
送沈叔子南都迎母

馬上定苦渴幾迴停轆轤別兄當北邸接母到南都
桃葉橫前渡荷花蒲後湖此行大家逐誰敢問當壚

送蔡安父之黃州

安父黃州去乃當中夏時榴花作火豔梅雨爛蠶絲

研墨云云燥窓書葉葉吹今朝霽如此別馬快風嘶
送馮叔系之南都訪舊

江國柳雖盡將及梅花新路遠卽逢雪天寒別有春
高牙紛海幕長劍著孤身乞取封書去難辭舊主人

景文至其舅劉所過園中二首

兩橐行厨過清醖溢瓦盆一行澆鬱思百覆失煩冤
笋候人家飯鶯天桃杏村無由共甥舅鎮日數園門

二

禪寺將園土誰能辨寂靜每看飛去鳥定歇梵林花

隸飯朝分鼠兒書夜雜蛙懷人不可見腸斷一輪車

與葛景文

冬潦無人出君胡爲來歟山樓隔年病江渡幾封書
健後堪風雨貧來無菜蔬不能留一飯歸去寺烟餘

畫紅梅

卽使胭脂點猶成冷淡枝杏花無此幹鐵樹少其姿
挂壁紛紅雪圍春在錦池無由飄一的嬌殺壽陽眉

送俞生之入楚

頗善繪事

作客向襄陽編頭大舸裝江行多雪候旅宿盡漁鄉

徐文長三集 卷之六
此景俱堪抹行囊好爲藏歸來逢鑒賞幾度挂山窓
畫竹

萬物貴取影寫竹更宜然穠陰不通鳥碧浪自翻天
晏晏俱鳴石迷迷別有烟直須文與可把筆取神傳
筵中漫贈王良秀筆史

囊琴三尺餘授我主人居老叟能稱隱諸郎總解書
夜深時喚酒春盡共騎驢去到西湖上梅花帶雪舒

送馮君

馮以醫官江去其舅亦以醫入院

昨歲歸何晏今年去復餘得官渾似舅作客易離家
淺荻秋宜月遙楓晚欲霞不堪將此景分手各天涯

張子錫往訪其弟長治

伯兄官署去因寄仲君書問政應如水添厨稍出魚
越人多好看潞錦小花裙看取寄歸匣都無一尺餘
壽潘承天七十蕪賀得孫

若箇不游宦惟君盛宦游飛龍鄉露冕有鱗處監州
含飴弄孫子祭酒客諸侯嚙手天邊月看圓百二秋

與任生話舊

麻衣飄雪處益動而翁思近日君家事予僦那得知

笄天應薦墓柏涕可枯枝莫作徒悲切遺書退學詩

又

與子別幾日忽過桃李辰竹葉不作酒花枝徒自春
時時憂木吏脉脉語波臣到得西江水肆中索枯鱗

送張君會試

明年此時節意氣何揚揚但遣馬蹄疾莫愁花路長
幾多青樓婦認取舊檀郎何處最笑指當壚壓酒娘

挽上虞葛翁

聞道自髫年傳經徹舊編裹糧百里外卒業一燈前

閱傳知高士遺孤是大賢斯人真不死可以慰黃泉

甚雪

是月凡三見雪而是日獨甚典致遣飛筆不能禁

今夕是何夕遙看最上頭雨花千佛座飛蓋百神遊
御氣行旬日騎龍覽九州歸來問姑射息駕借居樓

二

周穆觴王母淮南訪八公群山圍玉樹羽騎駐瑤宮
瞬息三千界遊觀一萬重下方多肉食安得御清風

授經館中懷江東諸同志

昔復病

能得幾回春匆匆滯此身一江書易寄連月性難馴

買藥獨行市敲門暫訪人幾時束書卷來伴釣魚綸

贈楊叟

能詩亦談奇策鄞人

白首切雲冠相過盡日歡鄉評陳寔老天付孟郊寒
入市投僧舍歸家理藥欄豈無長鋏在曾不向人彈

二

重以詩人困翻增國士思流年悲髀肉袖手秉毛錐
瘴海遙傳警夷門老好奇結交應有客朱亥隱屠兒

應吳岷縣築城

魚鑰鎖嚴更沿堤板築城斯民自安堵茂宰本長城

水拍深濠綠山連素堞明驕夷莫輕入清夜聽傳於

將與嘉則入閩方許二君餞別分以五韻

池館入秋清蒼烟澹莫城如何留別處偏自問歸程
短燭催人換長河抱月明回看囊底匣猶喜二龍并
吳門逢孔將軍於塾

舊日堪爲將今來復授經主人盛供帳醉尉止都亭
終歲只在野因予一入城相悲十年事淚落酒杯平

元旦

昨日即今日今年亦昨年環規元不斷水割詎須連

把曆燒俱得投闌且復然生憎梅與柳一度一爲妍
承恩寺聽講經歸路觀甕魚於山家

大乘聞講後小水看魚流或淺非聽瑟時深豈避鈎
半食猶斗餌一甕却千頭安得輸江海都令萬里遊

書倪元鎮畫

一幅淡烟光雲林筆有霜峰頭橫片石天際渺長蒼
雖廣須金換如真勝壁藏偏舟歸去景入畫亦茫茫
楊兵部生祠畫像詩

憶在專城日群爲桃李人誰能因落葉便自忘陽春

父老當祠入麒麟想畫新却輸客燕者親得望車塵

無題

翁也專樞密儂今職督襄西京留守重北帽侍中方
陵氣松鱗紫湖霜藕葉黃江南秋色好此去蒲帆檣

賦得草窓篇爲周衛卿之號

周繪工蟲

草綠鳥喙喙開窓一斗開百蟲堪上筆一片欲遮苔
草影紗紋潑春芽老氏孩元公有知不一笑隴牛堆

無絃詩

鳴琴固聆響不鳴響亦存試取單絃按何聲到耳根

祖來不立字理完於無言開口未驚衆閉口如雷

送顧給事歸省其翁

吳人

青瑣謝鳴珂非關戀芰荷 報君還有日侍父恐無

多橘子霜初熟洞庭風始波縣知扶一老槎艇入漁

簑

食虎眼

虎皮荔枝之佳品

虎眼白琉璃誰能隸虎皮小毳蜂粉結高液鳥群司
婦去茶如薺王歸膽亦飴由來甘苦柄舌觀豈能持

哭王丈道中二首

不醉亦罵坐忍寒曾却袍一生餘骯髒半李咽齷齪

對語俱貧病相思獨鬱陶匣中留破劍往往夜深號

二

貫地稀桑柘租池約藻萍魚苗是兒女蠶婦識先生

結穢陰招罵朔絃直可爭通廉穩堪謚誰爲寫銘旌

聞朱次公訃

朱善書攻二氏讀書龜山與死皆近巧夕

碑碣多珍女女今何所之帝樓果是玉天篆必須朱

巧夕悲針婦剋腸遶線車總歸不得見天上更愁予

三十又

三十猶未第讀書何用多傷心拋壺去點額柰龍何
擬執聃曇鼓時諧傀儡科南湖龜頂月高據槁梧歌

蟬六首

紅綠楝文窰薑橙擣末高雙螯交雪挺百品失風騷
饒喜朝爭穀颺聞夜泣糟大蘇無缺事只恠佞江璫

蘇傳江璫柱
乃不傳璫

二

水族良多美惟儂美獨優若教無此物寧使有監州
辟鬼秦關夜輪魁海稻秋河豚直一死只好作蒼頭

三

吳興饒吻守越國朶頤人風韻誰偏少吹噓爾絕倫
沅江九肋蟹松泖四腮鱗遍試張華醋還誰五色文

四

爾故飽菱芡饑來竊稻梁逃蕭孟嘗走結草柱回亢
蛻許山蟬嫩腥憐海麝香那能親箬笠夜夜伴漁郎

五

織篠挈干籃枯匡養八蠶縛嚴愁廣武霧重死淮南
金紫膏相蝕尖團酒各酣秦人不曾識付與兩齊叅

替蠶匡見檀弓八
梓蠶者南粵種也

六

秋成穀滿車選馬入豪家鎖櫃投池養開春入俎誇
昔人餐擬蠶今我食無蝦持餉於陵去甘之必未哇

胡市歸

胡館不一刻藉觸數日

胡養復胡王無鷹不飽虜蒲城屠菜馬是鼻掩綿羊
卽苦新輸輦猶勝舊殺傷從來無上策莫笑嫁王嬙

蠟屐

一生幾兩屐此語爾非迷何事淪猩趣終年弄馬蹄

我欲收錦屨五岳遍丹梯齒畔如瀕損屋蜂借一脾

楊公去思

課最三千牘春留五馬蹄風謠傳上國父老出耶溪
碑字迷香蘚松鱗逼繡題滄江宛相映惟有謝征西
客餉我笋脯一小筐穉而甘澹擬謝

晨觴憲十斟笋脯美遼參玉板禪師韻黃冠道士簪
山存仍受虎春代并更禽籜畔夫將婦隨農插綠針

上虞令復西溪湖

早潦一關情湖塘指顧成魚肥村稻晚鶴瘦署琴清

後文長三集 卷之六
駐鳥淹難久編常講正橫清波三百頃盡是渥恩澄
聞人賞給事園白牡丹三首

白牡丹殊雅曾於舊譜聞掃眉嬌號國新寡縞文君
黑牯眠雲飽黃蜂奪雪芬愛憎誰與定賒酒借花醺

二

梁園月下白青瑣第中逢定是千金買來陪一捻紅
珍奴學龜息越女鬪猿公作意驅脂粉天然輸與儂

三

休糧姑射子不語息夫人香暗聞龍腦須黃見蝶身

雪腮宜買笑霜鬢可饒嘆莫學盧郎婦題詩詭老人

周愍婦

姑婢致之死故第五云

閔逝閨人集孤標作者篇九泉沉寶瑟一國響哀絃
婚媾翻成寇莩夷故及全傷心西伯操臣妾古來然

化城寺

方引主人輶轉爲山寺嬉門深當水盡路曲入松移
破鐸搖簷鴿寒萍蔽沼龜過溪無虎嘯枉送遠禪師

題雪景畫

蒲暨陳仲子

幽人凭水檻釣者挈魚投况對千山雪而無一客留

臘酒此時熟老夫終歲憂壺公能醉我跳入畫中休

積久于李寧遠鎮又云販人參

麻胡秋趙石勒將成殺所及在

在畏之小兒啼母怖之曰麻胡即止

落葉塚皆黃枯株倚壁長孤雛何久客獨鴈不成行
凍色天將雪愁顛鏡滿霜解之頻痛飲有客餉無腸

二

乳臭猶聞口兵鈴未打牙不堪如虎穴何事滯龍沙
黠虜爺呼李啼兒淚歇麻歸來向吾說笑落夜燈花

三

對月勢慢然東西十二弦石欄長一尺厄樹矮三年
狂藥聊醫悶顛書也換錢販參如宋清我作柳宗元

四

汝婦解蒸梨吾食每饜之難饒飯牛幸易惹伏雌悲
竹闌將臘笋梅瓣早春枝馬法多梟騎留儂何所爲

東虜稱大官曰馬法

爲陶工部贈道者

終是千年鶴今先返舊城到家人尚在入洞雲來迎
紫氣莫西渡青山留震盟野夫慙尹喜却辦候關情

徐文長三集 卷之六
將遊五泄宿吳系山庄遇陳老迎餉邀余輩先

登峨眉不果

遊巒維林竹山窓來獵燈青蘇炊白稻碧笋束紅藤
坐落半宵月流分曲水亭忽逢山下老邀上峨眉層

明日至今博嶺雨

無寸非濃霧寒空濕太勝泥深驢項沒雨近帽簷生
練泄未到眼客途先苦行真成評嚼欖敢與棗兒爭

徐文長三集卷之七

明會稽 徐渭 文長 著

陶望齡 周望 校

謝伯美 開美

商濬 景哲

陳汝元 起侯 同校

七言律詩

道場山贈栖雲禪者

古塔凌空寶閣欹
雲峯上去路逶迤
山田穫稻僧人

出湖水行舟落葉移風靜鳥翔施飯石日斜魚聚放生池遠公心地元無住却共飛雲此住持

初晴看迎春

年年喜作看春行戶戶除祥賀太平城闕柳條非舊色山川雲氣尚新晴一群戲獸人裝出百朶分花采學成自是陽和隨地轉不關仗引會逢迎

元夕二首

漢武鰲山嘉瑞日明王龍德正中年處處剪梅爭帶葉家家促柱學調絃魚龍角戲春偏麗橙橘藏燈

共在陽和元氣內不知何以荅堯天

二

年年異縣望鄉園鄉里今年賞上元羅綺含風燈火亂烟花拂地葉枝繁人不夜城中坐曲似鈞天樂裏翻歸去若從橋上過廣陵步月未須言

君從

君從閩海下南昌正值中官降玉皇龍號真人親拜斗繡衣使者自焚香壇中祝壽千官滿官裏傳旛兩道長不是薄游江海客何由得覩此輝光

九重

九重憂隱德如湯禱祀壇傍夜有光旱飛正逢周甲
子神君俱集漢明堂繡成旛蓋虹雙引挂定琉璃水
一行聞說詞臣咸萃止抽毫拂素侍 君王

保安州

寄青霞沈君

終軍憤懣幾時平遠放躬荒尚有生兩疏伏階真痛
哭萬人開幕頓橫行朝辭邸第風塵暗夜度居庸塞
火明縱使如斯猶是幸漢廷師傳許誰評

白燕二首

閒庭盡日見還稀院院梨開去漸微別殿幾年埋玉
匣舊人何處認烏衣春風水面徒聞語夜月梁間好
弄輝安得姚家紅線縷却看片雪帶花飛

二

西飛歲歲候青陽花發名園何處藏天子郊禠呈瑞
色主人臺榭有輝光輕翰掠雨綃初剪小尾流風練
愈長萬里東歸看易沒海天元是白雲鄉

泊舟武夷之五曲謁紫陽精舍憇大隱屏復過
僊人掌抵其顛天游觀中遠眺

溪流五曲數峯奇大隱屏西路稍移精舍猶存光種
樹青山似與後來期繁花夾岸漁舟繫列岫當亭道
院宜更擬乘鸞接僊侶春風吹鬢雨來時

二月十三日自順昌返越後過延平宿劍潭

沙洲碧樹遠烟生此夕維舟古劍城幾日漸看春色
暮經年猶在客途行郡當積水谿流會岸夾浮橋鐵
鎖橫睡起推篷來月影錯疑劍氣拂波明

季子往昏南樂聞其歸喜而有作

館甥初試合歡衣官舍櫻成花柳肥拂鏡蛾眉先與
畫吹簫鳳侶引將飛路經江郡重圍阻書到禪關幾
日歸豈爲無人相笑語同心終覺似君稀

落花

吳姬齧碎砌痕丹越女腮嫣曙色寒下急共知辭樹
易去邈定是返枝難千門細雨陰晴換萬里浮雲天
地寬莫向御溝隨柳絮漫空作雪蔽長安

遊驅巖二首 有序

穿山城北有石二丘東西峙積累頗奇而羅
絡灌莽映帶山海惟在東者爲勝惜其處地

不賞于人予偶以幕府命從寓此與客游討
得之奇石之聚而戲託於始皇事題曰驅巖
每登酌其上輒作一首

片石如雲結作樓海門坐對雨初收深秋一鴈來殘
照遠浦群山入亂流幕下也叨書記託軍中時動鼓
鼙愁自知投筆元無用且抱清尊盡日遊

寄成女彝守備登州

女彝時寄蓬萊集
載登州海中蜃景

牙門遙映列僊臺總帥偏宜上將才出海戈矛俱借
水飛空矢石併成雷天邊送鴈將心往馬上題詩帶

來解道觀游憐獨賞那能分向小蓬萊

重游武夷

渭前游武夷有青山似與後來期之
句山中兩道者居壁顛削壁數十丈

懸絙梯
而上

昔年曾此問迷津十載重過歲月新碧樹深宮還繫
馬青山斷岸欲迎人巖梯挂壁真無路澗水浮花別
有春定擬他年分半室不知若箇是芳隣

行經鉛山游觀音巖

云此地舊產七寶

琳宮禿宇不勝春七寶騰光別樣新山學青蓮居大
士樹留黃葉款遊人行叅戎伍將題懶望近鄉園入

後文長三集 卷之七 五
夢頻對面鵝湖雲色暗好爲法雨洗征塵

送方阜民公子還歙

方阜民尊公知山陰渭始籍諸生提調師也

江關楊柳弄新晴游子思家數去程客裏經春花作伴酒中連日雨留行輕裝未結離歌發大道臨岐感慨生欲把今朝雙別淚寄彈一滴使君靈

送通政胡君入閩

敬所君有同年御史大夫鎮

訪舊暫爲閩海客歸途蕪得武夷游不堪暮雨張筵別况值春花帶葉抽山障入雲迷去騎溪濤作雪瀉行舟幕中無事同君飲好向尊前借筭籌

金先生過予園中 開野

豐城寶劍總虛傳宦底相過悵昔賢擁筆本非迎客處接談猶似授書年秋風蘋蓼重來路夜雨河橋欲發船自是感君多古意寒灰不道復能燃

奉寄俞大夫

大夫監閩時索拙著欲下雕坊

自騎驄馬別京華絕徼風烟歲月賒千里傳書聞購草一區成宅坐飛花雲霞並上經生筆江海交流柱史家 大夫經業最高而宅際江勃 未得迴舟從雪夜幾宵幽夢遶天涯

月洲篇 禪者

芝師說法最高儔高第年來數月洲憶自與師論月
夜不知今隔幾年秋上弦漸滿三刀水捏影猶光萬
里流試問終宵昏黑處更教何物照閻浮

續白燕二首

一時伴侶自應非海路空長遇亦稀漢將玉門投老
入趙妃寧夜待人歸孤翅夏日摧寒色漸下秋空見
羽衣已識朱門無可托玉樓天上任高飛

二

青壁紅窓映死牆衝花泛羽啞群芳霜迷萬瓦單栖
渺草綠干堤片影涼雲母屏深低綺袖水晶簾動拂
流黃西園蝴蝶渾無賴暗粉飄塵上海棠

言遊武夷道中撫景因憶往年尚賓呂君天台
之約

巖壑千重路轉偏春陰漠漠帶炊烟困投野店聊呼
酒笑問名山數舉鞭籠鳥對人喧曙色桃花臨水弄
新年多情忽憶天台約歸去應尋剡曲船

水簾洞

陽明先生赴謫時投寓所也

石室陰陰洞壑虛高厓夾路轉縈紆紫芝何處懷仙術白日真宜著道書數尺寒潭孤鏡曉半天花雨一簾踪投荒猶自聞先哲避迹來從此地居

落花

花落條空芳樹稀秦王宮裡捲羅衣經過楚巷無人麗乍入梁園雜雪飛送雨迎風俱是別沾泥帶水不能歸明年知向何枝發願傍青陽近日暉

新樂王寄巖磯石副以詩賦答

用正韻

繡詞錦字來天上雪浪金星出海中遠道幾爲貧士

寶

是兩生寄來

曲臺曾汎大王風人驚蜃氣移何所夢入

瑯琊見幾峰分付蓬窓好收護有時風雨下雙龍

泊閩門值閏月中秋

每中秋吳人賽唱虎丘

中秋只尺已蹉跎更值中秋此地過天上桂輪長苦滿人間酒盞莫嫌多虹橋一散能追不海鏡孤飛柰墮何最是虎丘此時節清歌不住水微波

送葛蕭仲

時予初解繫

杏花楊柳夾扶疎送客澄江煮白魚紫艷葡萄千日酒白藤花匣萬言書豐城劍出應雙躍壘觀緣多且

獨居待爾他年拂衣日看予渡海跨青驢

飲枇巴園贈某君東道

園通東隣紐給事家故有後四句實景也

紅葵古益碧蛆沉南市青帘買却斟布衣真可十日
飲碑錢索得隔年金游魚觸沼聽歌淺獨鶴穿花出
啖深給舍酒厨東壁是縛拚畢卓可能禁

客鄞述懷

蒲城花柳已無多客久經春換綺羅佩筆每從偏將
入停舟因得故人過山居正可供新蕨海氣時來引
舊疴便欲理將雙楫去明朝江上趁微波

奉送回府潘公墓兵廣東二首

使君佐郡儼行春開府知名下令新手挈萬金收死
士身藏半綬見鄉人部分卷甲趨春雨弩矢成行夾
畫輪引向轅門投謁罷試看主客集魚鱗

二

親承節命遠徵兵暫侍高堂錦服明橫海醬多經戰
士狹斜新識少年名宿依山店樵蘇寂行負藤干結
束輕來往莫須愁道遠明春專待破番營

寓穿山感事

荒城臨海一山圍何事東方滯袞衣曉日每看牙將
集秋風自送遠人歸霜寒戍草嘶征馬潮落江門露
釣磯欲請長纓何處是且尋酒伴扣荆扉

十四夜

野外虛堂夜不扃遙遙秋漢數峰青舊栽菱葉侵河
路新折蓮房挿膽瓶涼氣欲來先到水月光纔上只
移櫺請看明夕三更漏相對何人坐紙屏

肖甫病目三年始愈喜而賦之

才子生來別有神目波眉映柳搖津不知何物遮雙

人相逢不用摩挲看認我年來衣上塵

西江篇

少保公視師廣信遂入龍虎山祝聖
詩予方候於齊雲不至是日衝雪還歛

寒甚僵
於驢背

西江一戰捷書聞轉向名山祝 聖君鏡吹乍飛縈
法曲旌旗漸上遶宮雲衝泥踏雪凭遙岫拂曙垂鞭
到夕曛却羨從行青幕士高崖應勒紀遊文

從少保公視師福建抵嚴宴眺北高峰同茅大

夫沈嘉則

日秋深同上華山時昌黎待裴晉公征淮蔡借游華題名軍營列岸江全遶騎火穿林席屢移却說陪遊賓從美不妨帳底有風吹

胡令公鎮浙海寇遠遁者踰年至是有為風所迫者不得去已分遣將吏指授方畧往擊之而公猶親出視師因以拊循郡邑旌蓋出郭門諸將告捷者紛至抵蕭山又至章疏再三易而復上是日涓自家馳詣幕中秉燭燕語

不勝欣慶賦此奉呈

偏將分馳日幾程高牙猶復事東征江雲隔岸來迎舸海雨隨風去洗兵奏草每從燈下換捷書又見馬前橫西還即是朝天路雙佩行看拂玉京

再至燕諸陶兩翰君索草書述懷卷端

越南燕北客中身北去南來祗一春一年中來樽酒

又酣今夜月布衣如怯去年塵既將細論酬詞客別取高歌混市人却惟舍傍楊柳樹故飄黃葉似含顰

月下梨花四首

今宵風物異尋常月底梨開萬朶光閃雪搖水偏倍
晝迷枝浸葉總生涼痕嬌舊積啼春雨鏡色新圓選
夜粧莫遣風吹迴作態素娥應妬舞霓裳

二

細蕊繁花帶月芳新粧搖蕩宋家牆銀叢泛影通河
切酥的飄輝接夢長夕鳥幾條垂滴滴春空一片綴
蒼蒼却嫌曙色催將曉冷暈微收益渺茫

三

丹輪皓質兩微茫桂粟梨雲闔淺黃萬點綃痕春帶

水一庭雪影夜生香小星解照周衾伴不夜爭懸漢
帳倡訝道獨禁風露冷曾聽法曲立更長

四

璧月流空霽色揚梨英當夕弄青陽搖寒隔院非關
艷映斷長天別有芳粉靨團團新出洗窓錢一一暗
浮霜多情錯認梅花夜教進羅浮夢裡觴

尚書李公生日賦呈

時方雪

桂漿流彩照槐庭賓從如雲慶上齡自喜遠人能獻
頌偶因食客得通名崆峒道與軒皇訪崧嶽神將申

甫生正值瑞花飄數點分明身世在瑤京

杖復竹爲吳孀婦賦

吳年財二十九夫死矢志自守會往塋挿杖墓所明年

活爲竹余同繫者親也見余賦二貞女復令賦此

烈女不更天所與枯筇復活事誠艱一從孟筭抽冬
後再見雷州挂紙還身比貞筠惟謝粉心如下籜不
離山若銷幾點風前淚并作瀟湘一樣班

次韻答少顛師

鰥生莫訝垂憐少李白猶言欲殺多顧爾難將佛力
救已拚身向鬼門過他午夜雨還思不此日風波柰

若何悟後恩仇成一笑借君如意鼓盆歌

葛君韜仲序小集奉謝燕寄乃姪景文

小篇終擬蒙詆訾高品何緣借色絲鮑叔卽看今日
得子雲不待後人知藏孤本藉雙豪士許劍終懸一
樹枝料得他年談夜雨因君一爲奏鍾儀

戊辰元旦喜杜兒至走筆

蒼松古栢出牆枝今歲今春異昔時試釐酒樽渾忘
醉却牽兒女笑成痴琴瑟尚帶南音泛劍出先從紫
氣知自比當年梁苑客鄴陽綵筆正堪題

送王先生云邁全椒龍溪老師

講中方便接嚶嚶不得中行此亦聊却爲交情悲宿
草敬持香瓣赴全椒衆家暫舍何嘗饋道侶除壇每
見招月旦豈無同會念忽今祠宇樹蕭蕭

新建伯遺像

方袍綦履步從容高顙籠巾半覆鍾千古真知聽話
虎百年遺像見猶龍夜來衣鉢今何在盡理須眉亦
似儂更道先生長不減那能食粟度春風

將收羊庚戌元旦筮之得明夷之上六

入地登天兩不妨從來作戲在逢場門前晝靜堪羅
雀城上春深好收羊披褐家門孫令尹入山經紀卜

中郎已知此意無人會間坐看雲點太陽孫叔敖事見史記余

先子宦歸家甚貧故引用其事

送李君子遂歸建陽

講堂萬柳變鳴禽千里從師歲月深對別無言應得
髓相期有日再論心路逢初夏更衣過家近名山與
客尋曲水若營栖息處好除半席待携琴

夜酌遲友人不至

徐文長三集 卷之七
方朔侏儒兩欲死智伯中行一是知醉裡放言何造
次醒中爲客太支離簷飛細雨除清暑燭笑麤花旋
紫芝坐待人來將說與夜深敲缺唾壺兒

贈府吳公詩并序

吳公自曩昔攘斥夷寇其在吾紹興若浙東
西松江諸道者人易聞且見故多美頌之詞
迨舟山之役越在海外其撫民搏寇之功最
多而且艱人掩之莫得而知也獨渭以書記
辱在督府隨衆人後雜談戎伍稍悉其事而
今年台温之捷公之伐又最高公旣讓美不
言而世之公道將遂因以漸沒乃用鳴之以
詩使公知知其事者尚有如渭者在而渭之
所處則固有難於知者也

幕中曾與衆人群幕外閒聽說使君破劍壁間鳴恠
事孤城海上倚斜曛詎諧併謝長安米懶散猶供記
室文把筆欲投還自笑故山回首隔江雲

卽席贈孫相士

呼軍中某侯似虎余時
尚懼呼余爲鷄群鷓也

短衣高帽拂青雲樓上逢君日未曛一盼虎頭橫燕

領再窺鶴侶混鷄群至人杜德機難閱宰相塵埃中
可分寄語老翁須着眼紗籠人物在參軍

賦用李藩事

送周山陰公判南康

橫山公

朝廷守令得人難旣宰山陰又郡官司馬江州頗倚
艦少年湖上正探丸青羊谷秘遺經出白鹿山空講
席寒此去懸知與絕學預爲吾道一彈冠

送季翁補廬州

公世春秋

親承令弟列諸生幾向惟中見大程一自京華淹待
補每勞書後叙微名官廡特拜生珠郡識練兼明斷

獄經只隔長江不能送定知何日發雙旌

送外兄再入燕

第家幾度換門墻廿載歸來道路長何事明朝重引
纜况逢昨夜正飛霜燈前宴會慚無及別後傳聞尚
未詳去此應科寒漸逼語兄多自着衣裳

與客登招寶山觀海遂有擊楫岑港一窺賊壘
之興謹和開府胡公之韻奉呈

滄海遙連雉堞明登臨喜共幕賓清千山見日天猶
夜萬國浮空水自平不分番夷營別島願圖方畧至